

Bingzgoj:Sw'h'wnh Duenzhabciengq Ndae' Gimciengj Gozci

平果：思恩合唱团获国际金奖

8 nyied 15 hauh, "it rangh it loh ciengqyiengj daengzcog" 2018 Majlaizsihya Gozci Vunz Cungguk Habciengq Doxdax youq Gizlungzboh gawjbanh. Bingzgoj Sw'h'wnh Duenzhabciengq ndae' gimciengj doxdax.

Ciuq cam rox, mbat doxdax neix Bingzgoj Sw'h'wnh Duenzhabciengq daj 30 aen doih doxdax ndawde yatloh okdaeuj ndae' hangh ciengj ceiq sang de. Bingzgoj Sw'h'wnh duenzhabciengq dwg aen cujhoz moq youz Bingzgoj Yen Vwnzdij Gvangjdengiz Minzsuz Vwnzva Swnjcienz Langhba'ij Cungsim senjbaij ok he, dang ngoenz yienjciengq diuz go moq 《Ronghndwen》 dwg Moz Yenhcwz raizbuj haenx.

(Yiz Ciz/余执)



▲ Doxdax sat le youq gwnz daizheiq hab'ingj.

► Mbawsaw gimciengj.



Baksaek:Haiguh Aen Hozdung "Saenq-hwng Lajmbanj Vwnzva Sien Byaij"

百色：开展“乡村振兴 文化先行”活动

Geij ngoenz neix daeuj, Baksaek Si Youhgyangh Gih youq gak aen segih, mbanj diegguenj haenx haiguh cujiz "saenqhwng lajmbanj vwnzva sien byaij" nem angqhoh Gvangjsih Bouxcuengh Swcigih laebbaenz 60 hopbi vwnzva baenzdauq hozdung, yinx gak aen segih caeuq lajmbanj gungganq lajmbanj fungheiq vwnz-mingz, fungheiq ndawranz ndei, fungheiq cunhminz simsoh, doidoengh saenqhwng vwnzva lajmbanj.

Ciuq cam rox, aen hozdung baenzdauq neix gungh miz 70 ciengz, yaek laebdaeb guh daengz 11 nyied faenh.

(Vuz Yiswng/吴翊生 Luz Gez/陆杰)



▲ Yienjheiq yienhciengz.



▲ Ceng'ak doxdax maknganx nge dog gvanginh hwnj daiz lingx ciengj.

Dasinh: Banh Maknganx Densangh Ndei Nienzcingz

大新：举办龙眼电商嘉年华

8 nyied 5 hauh, youq Dasinh Yen Ginggih Diegsien Lungzgungh, gyoengqvunz cingqcaih veiz yawj gvanginh doxdax ceng'ak maknganx—maknganx nge dog naek dabdaengz 4540 gwz. Ngoenz haenx, aen yienh neix banh aen hozdung bi 2018 Dasinh maknganx densangh ndei nienzcingz, doenggvaq ceng-ak doxdax maknganx, ceng'ak doxdax gwnz muengx gai maknganx, doxdax ingjsiengq maknganx, youz ginggih diegsien lungzgungh, mbaetsou maknganx mbouj aeu cienz daengj hozdung, coicaenh lijyouz, nungzyez caeuq densangh hwngfat doxyungz haeujlaeg.

Ciuq cam rox, Dasinh Yen dwg Cungguk roek daih maknganx swngchancj gihdi ndawde aen ndeu, ndaem gomaknganx 31200 moux, bineix haeuj geiz sang canjlieng, canjlieng iek 15000 lai dun, canjciz iek 4500 fanh maenz. Daengz dangqnaj, doenggvaq densangh gwnz sienq laj sienq gaicawx maknganx ndei haenx gaenq dabdaengz 400 lai dun, yawhgeiq daengz 8 nyied 20 hauh gai goj dabdaengz 2000 lai dun.

(Cinz Civanj/覃志婉)

Lozcwngz:Bouxcoz Mulaujcu' Ciengx Ngwz Roemx Loh Fouq

罗城：佬佬青年养蛇闯富路



▲ Vuz Gyangz cazyawj duzngwz hungmaj cingzgvang.

Bi 2014, Lozcwngz Mulaujcu' Swciyen Swbaj Cin Dimwnz Cunh Mulaujcu' nungz-minz Vuz Gyangz, bonjfaenh gag cauhnieb, laebbaenz Gaihmingz Ciengxndaem Nungz-minz Hozcozse, gungh roengzngaenz 100 lai fanh maenz guhbaenz aen gihdi ciengx ngwz ciemq dieg 800 lai bingzfanghmij he.

Geij bi neix daeuj ciengx ngwzhab fanh duz doxhwnj. Dangqnaj, aen hozcozse neix gaenq ndae' bonjcwng Gvangjsih faekciengx doenghdud dieghawq, baenz Lozcwngz bang-gungz gohgi cauhnieb faegbauh gihdi caeuq hagdangz ndawnaz ndawde aen ndeu.

Doenggvaq aen hozcozse guhyiengh daiqdaeuz cozyung, Swbaj Cin Dimwnz Cunh Mbanjdabei cunhminz gaenq miz 18 gya ciengx ngwz, baenz aen mbanjbya Mulaujcu' ciengx ngwz gya'gyawj okmingz ndeu.

(Mungz Cwngshwh/蒙增师)